




## DEN NORSKE KYRKJA

### Årsmelding for Gulen kyrkjelege råd og fellestråd 2023.

#### *Meir himmel på jorda*

Den norske kyrkja er ei vedkjennande,  
open, tenande og misjonerande folkekyrkje,  
som vitnar i ord og gjerning om frelse, fridom  
og von i Jesus Kristus.



Eit nytt år er blitt gammalt, over natta. Det er tid for å gjere opp status, og spørje seg: kva fekk vi til i 2023? Greidde vi å nå måla våre, og vere den kyrkja for folk flest som vi ynskjer? Kyrkja for den enkelte skal opne rom for tru, vere der livet vert levd og vere ei kyrkje for fleire. Korleis greier vi å løyse dette? I Gulen har vi ein liten stab, men med mange flinke frivillege som støttar opp og bidreg, på ulike måtar. Nokre sit i rådet og er med å bestemme og ta avgjerder, nokre er med og førebur og gjennomfører gudstenester, andre stiller på ryddedugnad på gravplassen eller i kyrkja, og atter andre køyrer konfirmantane rundt for å samle inn pengar til Fasteaksjonen. Har du tenkt på at det du og andre frivillege gjer, er med på å fremje gode verdiar og på å bygge eit godt samfunn i Gulen? Vi snakkar ofte om at avstandane er store, busetnaden er spreidd, folk kjem seg ikkje til kyrkje osv. Men når mange bidreg litt, så blir det til saman større enn om ein står åleine. Rammene vi har for å vere kyrkje er gitt, men vi skal fylle den ramma med innhald. Ei levande og nærværande folkekyrkje, som er der for folk flest, både i kvardag og helg, sorg og glede. Då kan det bli litt meir himmel på jord.

*Ingunn Sognnes, kyrkjeverje*

## Kyrkjevalet 11.09.23

Den 11. september var det kyrkjeval, med val på nytt kyrkjeleg råd ( sokneråd ) i Gulen. På same dag som valdagen for kommune- og fylkestingvalet, kunne medlemmar i Den norske kyrkja stemme på kven som skulle sitje i Gulen kyrkjelege råd og i sokneutvala. Samtidig var det val på nytt bispedømeråd, og dermed også kven som skulle vere representantar på Kyrkjemøtet, som ofte blir kalla kyrkja sitt storting.

Før valet blei det søkt om å halde fram med eitt felles sokneråd som permanent ordning, og søknaden blei innvilga av Bjørgvin bispedømme i januar, i godt tid før valet. Det blei vald nominasjonsnemnd i kvar av dei tre sokna, og Gulen kyrkjelege råd var valstyre. Med denne ordninga er kvart sokn ein valkrins, og dei to kandidatane med flest stemmer blei medlemmar i Gulen kyrkjelege råd, dei tre neste vara medan alle på lista inngår i det lokale sokneutvalet.

### Digital førehandsrøysting og oppslutning ved valet

Valdeltaking	Antal stemmeberettiga	Valdeltaking i %	Digital førehandsrøysting
Brekke	373	23 %	6 %
Gulen	846	21 %	5 %
Mjømna	322	23 %	5 %

Når det gjeld val til nytt bispedømmeråd så var oppslutninga ein del lågare, då mange berre avga stemme til soknerådsvalet.

### Råd og utval



*Gulen kyrkjelege råd dei 4 siste åra. Frå v: Ingunn Sognnes, kyrkjeverje, Mina Andreassen, Halldis Steine, Anne Evjenth Ytreøy, Åse Haugen, Herfinn Takle (vara for Einar Takle) og Kåre Krakhella. Foto: Øystein Skauge*

Det har vore 8 møter i Gulen kyrkjeleg råd / fellesråd, og det er til saman handsama 39 saker. 2 av møta har vore knytt til kyrkjevalet, og i desse møta har ikkje kommunal repr vore med. Det er oppnemnt eit AU som består av leiar, nestleiar, prest og kyrkjeverje. AU blir i hovudsak brukt til kontakt via mail, med utveksling av synspunkt og orientering om spørsmål som treng ei rask avklaring.

Administrasjonsutvalet har bestått av tre frå fellesrådet og to frå dei tilsette: Kåre Sigurd Krakhella, Åse Haugen, Mina Andreassen, Margrethe Skåden (permisjon til 01.04) og Peter Jobbagy. Frå 1. november består utvalet av Bodil Bjørlo Takle, Åse Haugen og tilsettrepr Margrethe Skåden. Det har ikkje vore møte i utvalet i 2023.

### Medlemar og vara i Gulen kyrkjelege råd og fellesråd 2023:

Sokn	Medlem	Vara
<b>Brekke, til 01.11</b>	Kåre Sigurd Krakhella Einar Takle	Jan Even Østerbø Herfinn Takle Olau Tveit Evensen
<b>Frå 01.11</b>	Bodil Bjørlo Takle Jan Helge Kristensen	Johnny Leidvin Langvatn Renate Sætre Line Sætre
<b>Gulen, til 01.11</b>	Åse Haugen Haldis Steine	Elin Systad Lihaug Eirik Halsnes Kjersti Anne Utvær Nordgulen
<b>Frå 01.11</b>	Åse Haugen Magny Eggum Berg	Odd Harald Eide Halvor Langeseth Brosvik Sigrun Haveland
<b>Mjømna, til 01.11</b>	Anne Kristine Evjenth Ytreøy Mina Cathrin Dahl Andreassen	Bente Iren Haugen Sølvi-Ann Oddekalv Arve Mjømen
<b>Frå 01.11</b>	Anne Kristine Evjenth Ytreøy Mina Cathrin Dahl Andreassen	Sølvi-Ann Oddekalv Bente Iren Haugen Erene Oddrun Wilberg
Geistleg repr til 01.08	Per Børge Hillestad	Bjørn Magne Hansen
Geistleg repr frå 01.08	Øystein Skauge	Bjørn Magne Hansen
Kommunal repr i GKF	Odd Harald Eide, etter kommunevalet Nils Inge Ynnesdal	Ingolf Wergeland

*Av dei faste, folkevalde medlemmane i rådet er det 33% menn og 67% kvinner fram til 01.11, deretter er det 17% menn og 83% kvinner.*

### Tilsette i Gulen kyrkjelege fellesråd

Tilsette	Stilling	storleik
Ingunn Sognnes	Kyrkjeverje	80 %
Margrethe Skåden	Kontorfullmektig, tilbake frå permisjon 01.04	40 %

Kenneth Kidøy	Prosjektmedarbeidar/sekretær til 01.04, deretter 20% i april og mai.	50%
Peter T. Jobbagy	Organist	60 %
Peter T. Jobbagy	Kyrkjelydspedagog	26%
Peter T. Jobbagy	Kyrkjetenar Mjømna	14 %
Astrid Øie Tveit	Kyrkjetenar Gulen	17%
Randi Trædal	Kyrkjetenar Brekke	14%
Aage Olav Sandal	Klokkar fram til 1.08.	5%

Maren Daae Eide har blitt innleigt i ca 10% til konfirmantarbeidet, på timebasis. I tillegg er også Eirik Halsnes leigt inn på timebasis, og inngår i konfirmantteamet. Konfirmantkullet som starta opp hausten 2023 har hatt fleire helgesamlingar, og det har vore nødvendig med meir innleige for å få kabalen til å gå opp då Gulen frå hausten av ikkje har hatt fast tilsett sokneprest. Maren har i denne perioden bidrege med meir administrering og tilrettelegging, og noko av dette er blitt dekkja inn av bispedømmet.

Fram til 01.04 var det 2,66 årsverk, utført av 3 kvinner og 3 menn. Etter 01.04 var det 2,56 årsverk, med 4 kvinner og 2 menn fram til 01.08 då Aage Sandal slutta som klokkar, og resten av året var årsverka på 2,51 %. Det er ei ganske jamn fordeling på kvinner og menn året sett under eitt.

I tillegg kjem soknepreststillinga på 100%. Etter at Per Børge Hillestad slutta 1.august, blei Øystein Skauge tilsett som vikarprest i 60%, resten har blitt dekkja av Torbjørn Sæle, sokneprest i Masfjorden, og sokneprest i Solund, Bjørn Magne Hansen. Det er Bjørgvin bispedømme som er arbeidsgjevar for prestane, og prosten har ansvar for å syte for at prestetenesta fungerer.

Det har ikkje vore sjukmeldingar utover arbeidsgjevarperioden.

Klokkartenestene i Brekke og Mjømna blir utført av frivillige, og frå 01.08 gjeld dette også for Gulen. Klokkar Aage Sandal slutta etter lang og tru teneste som klokkar i over 40 år, takk for innsatsen!



*Aage Sandal, klokkar*

## Gudstenester og kyrkjelege seremoniar

Sokn	Antal gudstenester totalt	Tal frammøtte	Snitt pr gudsteneste	Antal konfirmerte	Antal døypte	Vielse	Gravferder
Mjømna	19 (21)	810 (877)	42 (41)	4 (3)	5 (7)	2 (1)	9 (7)
Gulen	25 (25)	1357 (1653)	54 (66)	8 (17)	13 (6)	2 (1)	10 (16)
Brekke	21 (17)	975 (727)	46 (42)	6 (5)	5 (4)	0 (2)	6 (4)

*Tal for 2022 i parantes.*

Samanlikning mellom to år kan gje litt urettmessige utslag. Når det gjeld Brekke så kan noko av forklaringa på auken på frammøtte vere auken i antal gudstenester, men også at gudstenesta med påfølgjande konfirmantfest i år var for heile konfirmantkullet med føresette. Uansett er det gledeleg at besøket har auka, og at det i snitt har vore 46 personar på kvar gudsteneste.

Når det gjeld Gulen så var konfirmantkullet halvparten av året før, noko som verkar inn på tala, men det er uansett ein reell nedgang og færre pr gudsteneste, frå 66 i 2022 til 54 i 2023. I Mjømna er det nedgang i antal gudstenester, men snitt pr gudsteneste er om lag det same som året før og ligg på 42 personar.

Når det gjeld antal dåp har det auka, og det er svært gledeleg at føresette kjem til kyrkja for å døype barnet sitt.



*Dåpssamtale på tunet hjå Eirik Fosse og Suzanne Gausereide Bauge med dåpsbarnet Elena Fosse.  
Foto Øystein Skauge*

## Trusopplæring

Når det gjeld trusopplæringa så er det gjennomført hausttakkefest med utdeling av Mi kyrkjebok til 4. og 6.åringar i alle kyrkjene. Det har vore tårnagent-samling i Brekke, og Lys vaken på Mjømna. Utdeling av cd til 2-åringane har blitt erstatta med bok. Det er blitt gitt 1 årsabonnement av søndagsskulebladet Barnas til 6-åringane, og alle 6-åringane som er registrert i medlemsregisteret til kyrkja får tilsendt bladet. Det er starta opp søndagsskule i Eivindvik, noko som er svært gledeleg. På Mjømna er det starta barnekor i samarbeid med Byrknes bedehus, der dei har øvingane sine. Konfirmantfesten i Brekke bedehus blei svært vellukka, det var god oppslutnad både frå konfirmantane og foreldra. For å få desse tiltaka til å fungere godt er vi heilt avhengig av at frivillege stiller opp lokalt, enten det er foreldre, besteforeldre, sokneutval eller andre i bygda, i tillegg til dei tilsette i kyrkja. Og takk til bedehusstyra både i Brekke og på Byrknesøy for ikkje berre utlån av bedehus, men også for tilrettelegging og servering.

## Konfirmantarbeidet v/ Bjørn Magne Hansen.

I juni var det informasjonsmøte for konfirmantar og føresette for komande konfirmantår. Undervisninga tok til i september, med presentasjonsgudsteneste i alle dei tre kyrkjene. Dette året er det til saman 26 konfirmantar: 8 i Mjømna sokn, 13 i Gulen sokn og 5 i Brekke sokn.

Sidan soknepreststillinga no er ledig og det er vikar i 60 %, har ein lagt om konfirmantopplegget noko, slik at soknepresten i Masfjorden, Torbjørn Sæle, og soknepresten i Solund, Bjørn Magne Hansen, deler ansvaret for undervisninga. I staden for 6 undervisningsdagar, slik det har vore dei siste åra, er det dette året 4 litt lengre undervisningsdagar, 3 hausten 2023 og 1 vinteren 2024. I tillegg er det planlagt nokre sosiale samlingar vinter/vår 2024.

Laurdag 7. oktober var konfirmantane med på ei ungdomshelg i Hyllestad og 25. november hadde ein lysmesse med alle konfirmantane i Gulen kyrkje.

Maren Daae Eide og Eirik Halsnes er òg med dette konfirmantåret og er flotte ressursar i konfirmantarbeidet. Maren har det meste av kontakten med konfirmantar og føresette, medan prestane har ansvaret for undervisninga og gudstenestene, med Maren og Eirik som medarbeidarar. Slik opplevast det at konfirmantopplegget høver ganske godt, sjølv når ein for tida ikkje har fast prest i Gulen.

## Sokna

Kvart sokn har eit sokneutval. Det er ikkje eit formelt organ, men er viktig for å vere nær den einskilde kyrkjelyden og bidra i det kyrkjelege arbeidet, samtidig som ein har kontakt inn mot Gulen kyrkjelege råd (GKR). Sokneutvala har blant anna oppgåver som kyrkjevertar, tek på seg dugnadsarbeid og kjem med innspel til GKR. Etter kyrkjevalet 11.september er det endringar i samansetjinga av sokneutvala. Ny periode starta 1.november og er gjeldande i 4 år fram til neste val.

Sokneutval	
Brekke, fram til 1.november	Kåre Sigurd Krakhella, leiar, Olaug Tveit Evensen, nestleiar, Einar Takle, Jan Even Østerbø, Herfinn Takle, Synnøve Bjordal Giil, Marit Sætre, Berit Tveit Solheim, Grethe Brekken Oppedal
Frå 1.nov	Renate Sætre, leiar, Bodil Bjørlo Takle, Jan Helge Kristensen, Johnny Leidvin Langvatn, Line Sætre, Inger Marie Håheim Tynning, Per-Arne Breidvik
Gulen, fram til 1.nov	Åse Haugen, leiar, Haldis Steine, Elin Systad Lihaug, Eirik Halsnes, Kjersti Anne Utvær Nordgulen,
Frå 1.nov	Heidi Rosseland- Fjærestrand, leiar, Åse Haugen, Magny Eggum Berg, Odd Harald Eide, Halvor Langeseth Brosvik, Sigrun Haveland, Kari Hella Furnes, Laila Margaret Kjelby.
Mjømna, fram til 1.nov	Bente Iren Haugen, leiar, Anne Evjenth Ytreøy, Mina Dahl Andreassen, Sølvi-Ann Oddekalv, Arve Mjømen, Erene Oddrun Wilberg, Heidi Rosseland*, Gunnlaug Oddny Birknes.
Frå 1.nov	Anne Evjenth Ytreøy, leiar, Mina Dahl Andreassen, Sølvi-Ann Oddekalv, Bente Iren Haugen, Erene Oddrun Wilberg, Caroline Sivertsen Einebærholm, Gunnlaug Oddny Birknes, Arve Harald Mjømen, Evy Marie Unneland.

*\*Overgang til Gulen sokneutval*

## **Brekke sokneutval v/ Renate Sætre**

Ei av dei viktigaste oppgåvene er å vere kyrkjevertar, noko vi føler at kyrkjegjengarane set stor pris på. Det er også sokneutvalet si oppgåve å organisere fasteaksjonen. Ettersom det minkar med konfirmantar i Brekke, tok sokneutvalet på seg å gå med bøssene i nokre av dei ti rodene soknet er delt inn i. Slik blei det ikkje meir enn ei rode for kvar konfirmant.

Vi gjennomførte dugnad rundt kyrkja i byrjinga av mai i lag med Bygdekvinnelaget.

I vår fekk vi også måla inngangsdørene i kyrkja og bårhuset. Det var kjekt å få dei raude og skinande til konfirmasjonen.

I vår sa Per Børge Hillestad opp som prest i Gulen. På siste gudstenesta hans i Brekke takka vi han for godt arbeid, og ga han nokre gåver til minne om oss her.

Det gamle Brekke sokneutval har hatt to møte og handsama 8 saker, det siste møtet var felles med det nye sokneutvalet. I tillegg har vi hatt ein del kontakt på e-post og telefon. Det er sokneutvalet si oppgåve å sette opp liste med kyrkjevertar og klokkar, og kome med forslag til offer. Olaug Tveit Evensen deltok på årsmøtet i Fjon Fjellkyrkje.

Friviljug klokkarteneste: Bjarne Tveit, Bodil Bjørlo Takle, Kristin Kjelby, Ragnar Mundal, Olaug T Evensen. Kristin Kjelby sa opp i løpet av året. Stor takk til henne for arbeidet ho har gjort.

I samarbeid med Brekke Bygdekvinnelag arrangerte Brekke sokneutval den tradisjonsfesta adventsverkstaden i Risnehall 10. desember, etterfølgd av ei gudsteneste. Eit koseleg arrangement der det var 30 born som deltok.

Sokneutvalet gav også i år ein blome til dei som har mista ein av sine i året som gjekk.

## **Gulen sokneutval v/ Åse Haugen**

2023 har vore eit hektisk valår for sokneutvalet. Me har hatt 6 sokneutvalsmøte. Der har me lagt grunnlaget for den lista som var lagt ut til soknerådsvalet 2023. Me har hatt 2 dugnadsdagar, med vasking inne i kyrkja, rydding utanfor og på gravplassen. Også i år har me hatt open kyrkje i heile juli, dette er så kjekt at me får til! Det er så flott at me kan dele kyrkjerommet på denne måten med dei som kjem på besøk, og det er hengt opp plakatar med info om kyrkjerommet. Stor takk til Ingebjørg Søreide, Sigvald Kidøy, Marit Sandal og Irene Mongstad som passa på å opne og stenge kyrkja, og såg til at alt var i orden i kyrkja desse vekene.

Takk til organist Peter T. Jobbagy som arr. konsert med sine familiemedlemmer, Choung Vu (svoger), og Szemöke Jobbágy (søster), fiolin. Andre medverkande var Domonkos Jobbágy (son), piano, i tillegg til Peter. Chung Vu er direktør for Vietnam Music Festival, og er no lærar på Euro Music Festival & Academy. Han har spelt med mange orkester omkring i verda. Szemöke Jobbágy er konsertmeister for Plano symfoniorkester i Texas. Så utruleg flott å få oppleve slike internasjonale musistarar her hjå oss!

Det var også sommarkonsert i kyrkja med Amalie Duesund, fløyte og Rune Alver, piano. Flott å få konsertar i kyrkja!

I oktober var det hausttakkefest med utdeling av bøker til 4 og 6 åringer. Då er det liv og røre i kyrkja! Den gode praten er viktig, den kjem etter gudstenesta når me samlar oss til kyrkjekaffi. Det er eit viktig og ikkje minst godt arbeid me i utvalget gjer, utan frivillege ville det ikkje gått.

## Mjømna sokneutval v/ Mina Andreassen

Diverse aktivitetar i Mjømna sokn. Alt dette har stort sett skjedd på dugnad frå frivillige.

- Månadlege eldretreff på Byrknes Bu- og omsorgssenter
- Haustfest i Byrknes bedehus med mat, musikk, talar og quiz.
- Mandagstreff på Bedehuset, her samlast ein flokk damer med handarbeid, sosialt fellesskap og samtale.
- Eldretur i samarbeid med Solund sokn og Solund frivilligsentral.
- Vi fekk ikkje til ein skikkeleg julekonsert, men vi sang jula inn saman med lokale aktørar

Kyrkje og gravplass:

Det har vore ein del dugnadsarbeid, men det har vore vanskeleg å få folk til å stille opp på slikt. Dermed har det vore nokre få sjeler frå sokneutvalet som stort sett har stått føre det arbeidet som faktisk har vore gjort. I samband med gudstenestene har ein utført klokkarteneste, og kyrkjeværtane har stått for kyrkjekaffi.

- Dugnad med diverse vasking og rydding, særleg i samband med høgtider som konfirmasjon og jul.
- Dugnad med klipping av busker og rydding på kyrkjegarden
- Strøing/ fjerning av snø og is før gudstenester og elles ved tilfeldige besøk på kyrkjegarden
- Pynting av juletreet i kyrkja
- Markering av 8. mai ved minnestøtta for Bjørn West.
- Utdeling av olivenkors til konfirmantane
- Vi har hatt sporadiske kjøkkenmøte.
- Arbeidet med den nye rullestolinngangen er fullført og det var offisiell opning 25.juni.



«Vi syng jula inn», Mjømna kyrkje.

Foto Øystein Skauge



## Kyrkjelydsarbeidet 1.halvår v/sokneprest Per Børge Hillestad.

Jeg skriver nå disse ordene etter å ha avsluttet min tjeneste i Gulen, men jeg tenker tilbake på tiden, og også første halvår av 2023 som en rik tid. Som kirke har vi et grunnleggende kall til å være Kristi hender og føtter, og det var ikke bare jeg som opplevde å få lære av menneskene i Gulen sin måte å være nettopp Kristi hender og føtter på. Gudstjenestene kunne til tider være mye besøkt, og til andre tider lite, men bevisstheten og ønsket om å omsette medfølelse, omsorg og kjærlighet til praktisk gjerning ligger høyt i menighetenes bevissthet. Det er ikke noe en skal ta for gitt, selv om det er en selvfølgelig del av kirkens aktiviteter. Den kristne troen er sentrert rundt personen Jesus Kristus. Vi tror at han er Guds sønn og verdens frelser. Vi tror at han kom inn i vår verden, ble menneske slik som oss og tok del i vår virkelighet for å vise oss hvordan Gud egentlig er. En frelser med nettopp medfølelse, omsorg og kjærlighet.

2023 gav kirken i Gulen mange gode møte - og kontaktpunkter. I denne sammenheng vil jeg legge spesielt vekt på dåpen og konfirmantarbeidet.

### **Dåp**

Som de fleste andre kirker tilbydde også Gulen mer aktivt enn vanlig egne dåpsgudstjenester i 2023, som vi også gjorde i 2022. Tilbudet har aktivt blitt benyttet, og tilbakemeldinger tyder på at mange er takknemlige for denne muligheten. Dåpen står sterkt i folks bevissthet, og dåpsgudstjenestene opplevdes både som høytidelige, samtidig som de hadde en større grad av involvering i forhold til vanlig høymesse.

### **Konfirmantene**

Vi inviterte konfirmantene til en flott konfirmantleir i Hyllestad i 2022, og denne ble starten på en god relasjonsbygging mellom konfirmantene fra ulike bygder i Gulen, noe vi fikk fra nytte av i 2023. Tilbakemeldinger tyder på at konfirmantene trives på denne leiren.

Både på Byrknes og i Brekke stilte sokneutvalgene flott opp med tilrettelegging og de nydeligste retter til pizza- og kino kveld. Dette setter vi utrolig stor pris på, og er noe som gir både ledere og ungdommer muligheten til å bygge nye vennskap. Slike pizza- og kinokvelder hadde vi også i Eivindvik og på Dalsøyra. I Brekke hadde vi en flott samling hvor både konfirmanter og foresatte var invitert på bedehuset. Det ble fullt hus! Vi er også utrolig takknemlig for Eivindvik ungdomslag som gav oss ungdomshuset til fri disposisjon, og det samme med Dalsøyra samfunnshus. Folk og lag og kommunen i Gulen er virkelig rause overfor kirken sin, og det er vi takknemlige for.

Vi reiste til Knarvik for en aktivitetsdag sammen med de andre konfirmantene i Nordhordland. Reiseledere her var Eirik Halsnes og Maren Daae. Her fikk vi oppleve «Farmen-presten» Thor Haavik, og velge ulike verksteder for fordypning i egne interesser. En givende dag. De vanlige konfirmasjonssamlingene foregikk på Dalsøyra, og vi er heldige som har med oss nevnte Maren og Eirik i konfirmantteamet. De er begge dyktige ledere og gode til å se konfirmantene.

Vår viktigste oppgave som kirke i Gulen er å gi mennesker muligheten til å bli kjent med Jesus. Vi har et budskap om forsoning mellom Gud og mennesker, og et ønske om forsoning og nestekjærlighet mellom mennesker. Kort sagt har vi verdens beste nyheter, fra verdens beste oppdragsgiver. Å få være en del av kirken i Gulen har vært et privilegium. Takk til sokneutvalg, stab og frivillige for at dere gjør kirken relevant og så kjekk å være endel av.

## Kyrkjelydsarbeidet 2.halvår v/ fungerande sokneprest Øystein Skauge.



*Ordfører May-Lynn Osland overraska med deltaking på skulegudstenesta i Brekke før jul.*

*Frå 1.august 2023 og fram til påske 2024 har pensjonert prest Øystein Skauge fungert som sokneprest i 60 % stilling. Det følgjande avsnittet er ei oppsummering frå hans side av korleis prestetenesta er utført og ei vurdering av dette.*

Eit hovudpoeng å få fram frå mi side er at å få prestetenesta til å fungere fullgodt for ein prest som ikkje bur i bygda, og som ikkje er i full stilling, det er langt frå optimalt.

Eg har i 60 % jobba slik at eg har gjort teneste i to veker, og hatt fri i to veker. I frivekene har det vore naudsynt å utføre ein del oppgåver på heimekontor for å få det heile til å gå i hop. Eg bur i Knarvik og har pendla til og frå Gulen når eg fysisk har måtte vere til stades i kyrkjelydane. Kvar tysdag har eg vore fast på kontoret for samhandling med andre i staben. Elles har eg sjølv sagt prioritert oppsette gudstenester (ein del søndagar to gudstenester same dag), forutan samtalar med dåpsfamiliar og samtaler med pårørande i samband med gravferder. Eg var også innoom institusjonane ved nokre anledningar, og gjennomførte i adventstida skulegudstenester ved alle skulane (bortsett frå ein), og hadde enkle samlingar i kyrkja med tre barnehagar.

Konfirmantane har prestane i Solund og Masfjorden delt ansvaret for, men nesten alle konfirmantane har likevel hatt enkle oppgåver i dei fleste av gudstenestene eg har gjennomført. Eg har også delteke på soknerådsmøta og på fellelrådsmøta.

I årsstatistikken ser ein at antal frammøtte på gudstenester har endra seg litt frå året før, men ser ein på antal frammøtte pr gudsteneste er det ganske stabilt i Mjømna og Brekke, medan det er ein tilbakegang i Gulen. I Brekke har talet på nattverdgjester gått litt ned, medan i Gulen og Mjømna ser vi derimot at fleire gjekk til nattverd enn året før.

I Mjømna var det ein stor oppgang i det kyrkjelyden gav i offergåver – heile 50 %. Det var også ein oppgang i Brekke på 7 %, mens det i Gulen var ein liten nedgang på 5 %

Desse statistikktalet, for gudstenesteframmøte, nattverdsøking og offervilje, er alle ein slags temperaturmålar på tilstanden i kyrkjelydslivet.

Totalt sett for dei tre sokna, er det mi forsiktige vurdering at det så absolutt står til liv. Men likevel at det kunne vore meir kraft og pågangsmot i kyrkjelydane, slik at fleire ville ta del i fellesskapen i kyrkja og dele trua si med andre.

I den samanheng må det peikast på at det er eit veldig dårleg utgangspunkt at prestetenesta er så haltande som det må bli når presten bur langt borte, og berre er til stades i bygda og i kyrkjelyden på ein minimumsnivå.

Som vikarprest har eg kjent sterkt på dette. Eg er ikkje glad for å utføre ei teneste som prest som eg innimellom kjenner som «venstrehandsarbeid». Gulen fortener ein prest på full tid som ikkje berre er der som vikar.

Eg er glad for dei eg møtte i Gulen, både i staben og ute i kyrkjelydane.

Men de fortener alle at det kjem ein fast prest til bygda når mitt vikariat er over ved inngangen til påska 2024.

## Fellessamlingar og møter gjennom året

- Kyrkjevevja deltok på leiarkonfereransen for kyrkjevevjer i Bergen i mars.
- Kyrkjevangelaget i NH prosti har møter fysisk eller på teams for å ta opp aktuelle saker. Prosten deltek som regel på desse samlingane.
- Kyrkjevevja og leiar i fellesrådet har hatt møte med ordførar og kommuneadministrasjonen i samband med budsjettarbeidet og økonomiplanen
- Kyrkjevevja og rekneskapsførar har delteke på rekneskapskurs i Bergen
- Kyrkjevevja har delteke på kyrkjeleiarssamling på Lillestrøm i september
- I samband med valet var det kurs i Bålen i januar, i forkant av nominasjonsprosessen
- Det var kurs på kommunehuset for alle valfunksjonærane før valet
- Kurs for nyvalde sokneråd i Bålen, arrangert av Bispedømmet

I tillegg har leiar i GKR delteke på fylgjande møter:

- Teamsmøte 31. januar, val av repr. og vara frå sokneråda i Nordhordland prosti til nominasjonskomiteen for val av lek medlem i Bjørgvin bispedømmeråd.
- Inspirasjonssamling for soknerådsleiarar i St. Jacobs den 15. april
- Innsetjing av ny biskop den 16. april

## Kyrkjer og gravplassar

**Tilsyn i kyrkjene:** Det har blitt utført brann-tilsyn i alle tre kyrkjene. Kyrkjene har brannvarslings-system som går rett til 110-sentralen. Innimellom dukkar det opp ein del feilmeldingar. Dei vert sjekka og kvitterte ut. Vi har avtale om 3-årig EL-tilsyn, sist tilsyn var i 2021. Det er blitt utført eigenkontroll i alle kyrkjene.

### **Brekke kyrkje:**



*Nymalte kyrkjedører i Brekke.*

Det er installert varmestyring i kyrkja som eit tiltak for å få betre kontroll med oppvarminga, utan at ein må møte opp i kyrkja. I forkant blei det bytt ut nokre gamle panelomnar, særleg var den i prestesakristiet moden for utskifting. Hovuddørene i kyrkja og dørene i bårhuset fekk seg eit etterlengta målingsstrøk, dette arbeidet blei utført på dugnad.

### **Brekke gravplass:**

Det har vore snakk om at vegen opp til kyrkja og vegen ned og inn på nedre gravplass burde re-asfalterast, og då kommunen heldt på med asfaltering av den kommunale vegen blei dette gjort. Parkeringsplassen som berre var gruslagd fekk også asfalt, det gjer både vedlikehald og parkering enklare framover.

**Oppedal gravplass:** Det er ikkje utført noko ekstra vedlikehald ila året.

### **Gulen kyrkje og gravplass:**

Etter dreneringa rundt kyrkja, som blei utført i 2022, er det i 2023 skifta ut rotne bord nedst på kledningen, unnateke mot vest, der det var gjort tidlegare. Takrenner er skifta eller tetta,

og med lift kom ein seg opp på takutstikka over sakristia og fekk lagt på plass lause heller. Det som står att i denne omgang er vøling av rullestolinngangen, der måtte arbeidet utsetjast til over nyttår.



I prestesakristiet er det eit tilhøyrande rom der det har vore sikringsskap, straummålar og diverse brytarar for lys, men også toalett, varmtvasstank og vask. Planlagt nødvendig utskifting av sikringsskap etter tilsyn gjorde det nødvendig å gjere dette rommet om til tavlerom, då det var frykteleg trangt og ueigna til å fylle så mange funksjonar. Forarbeidet til utskiftinga blei utført på hausten, men sjølve sikringsskapet blei ikkje montert før i januar 2024. Det er ikkje gjort noko ekstraordinært vedlikehald på gravplassen i 2023.

### **Rutle gravplass:**



*Utbetring og påfyll av jord på Rutle.*

Opprustninga av denne gravplassen har helde fram i 2023, og oppryddinga av felte tre blei ferdig ila våren. I august blei det fylt på jord, jamna ut holer og lagt på masse langs kanten mot utmarka for å få ei jamnare høgde før oppsetjing av gjerde. Etter fleire rundar i GKF om kva slags gjerde som måtte opp for å halde hjorten ute, blei det i juli sendt søknad til statsforvaltaren i Vestfold og Telemark v/gravplassforvaltninga om å få setje opp hjortegjerde. Det kom inga tilbakemelding før i januar 2024, dette pga sjukdomfråver hjå forvaltninga. Håpet er å få opp eit hjortegjerde ila våren 2024, men det viser seg at vi må ha ein plan for planting inntil gjerdet før søknaden kan handsamast og forhåpentlegvis godkjennast.

Klokkestøpulen er vølt, råtne bord er erstatta og ny måling er påført.

### **Mjømna kyrkje og gravplass:**

Det er ikkje gjort ekstraordinært vedlikehald inne i kyrkja, men det er kjøpt inn nytt skap for oppbevaring av blant anna messehaglana i prestesakristiet.



*Ny rullestolrampe med asfaltert tilkomstveg.*

Arbeidet med ny rullestolrampe har teke tid, men ved slutten av året stod det berre att å få på plass nokre rister mellom kyrkja og rampen, og få jamna ut jorda som var avgreven. Det var innviing av rampen på gudstenesta 25.juni, sjølv om ferdigattest gjenstod. Dette prosjektet innebar også restaurering av kyrkjetrappa, og som ein ekstra gest hadde entrepenøren laga eit vakkert kors i repoet, noko som er blitt godt motteke. Tilkomstvegane er blitt asfalterte.



Vakkert inngangsparti frå kyrkjetrappa.

Foto Jan Eirik Baarøy Mjånes

### **BORGSTOVA:**



Restaureringa av Borgstova, som sannsynlegvis er det eldste huset i Gulen, frå 15-1600-talet, har endeleg fått eit ansiktsløft! Ove Losnegård har utarbeida plan og utført arbeidet med restaureringa. Stova stod heilt nedpå bakken, og det var med stor spenning treverket

blei løyst frå for å avdekke roteskadane. Stova er blitt jekka opp, slik at kledningen ikkje trekkjer vatn, og med god drenering rundt heile stova blir det tørt og fint. Vatnet hadde heldigvis ikkje øydelagt bjelkane under golvet, dei var fullt brukbare, det var berre å skifte ut og legge nytt, fint tregolv med breie plankar oppå. Før nytt golv kom på plass måtte det til ein grundig nedvask for å få vekk gammal skit, og Nordgulfjorden Grendahus tok den jobben.

Vindauga blei også tekne hand om, og på ettersommaren blei stova måla oppatt, så arbeidet utvendig er ferdig. Innvendig står ein del att, blant anna må det elektriske skiftast ut med ny straumtilførsel, hjørnet ved eldstaden og delar av langveggen må kleast inn, og veggene må målast, gammal måling viser på noko av treverket.



*Bilete viser vegger, golv og eldstad i Borgstova før restaurering.*



*Borgstova med ny kledning, god drenering og oppvatra.*



## Økonomi

Det vert ført felles rekneskap for Gulen kyrkjelege råd og fellesrådet. Ofringar og gåver gitt i dei ulike kyrkjesokna blir ført under tenesta anna kyrkjeleg verksemd, og det kjem fram kor mykje som er samla inn, kor mykje som går til eige arbeid eller som blir vidaresendt til organisasjonane som er tildelt kyrkjeoffera. Konfirmantane gjekk rundt på dørene med innsamlingsbøssene til Kirkens Nødhjelp sin Faste-aksjon, noko som gav eit svært godt resultat. I Gulen sokn kom det inn kr 8354,- i Brekke 9296,- og i Mjømna 5259,-. I tillegg kom det inn kr 25.494 på Vipps, til saman eit svært godt resultat på kr 48.403,-.

Rekneskapen for Gulen kyrkjelege fellesråd er ført på rekneskapsavdelinga i kommunen gjennom tenestekjøpsavtalen. Det er gitt driftstilskot frå kommunen på kr 2.569.100. I tillegg kjem verdien av tenesteytingsavtalen på kr 677.360, men den har ikkje resultatmessig effekt. Total yting til drifta frå kommunen er på kr 3.246.460,-.

Tenestekjøpsavtalen med kommunen inneheld avtale om rekneskapstenester, IKT-tenester, kontorlokale og tenester frå drift/vedlikehaldsavdelinga. I løpet av året har alt av IKT-tenester blitt flytta over til Kirkepartner. Som del av Kyrkjerådet sitt satsingsområde på digitalisering har fellesrådet i overgangen siste halvår fått økonomisk kompensasjon frå Den norske kyrkja. Avtalen med Gulen kommune har ikkje blitt endra i 2023, men i løpet av neste år vil tenestekjøpsavtalen blitt gjennomgått og tilpassa. Det er også søkt om auka løyving på driftsbudsjettet i 2024 for å kompensere for noko auka kostnader for fellesrådet, med høvesvis mindre kostnader på lisensar, støttefunksjonar mm for kommunen.

Kyrkjelydsbladet har kome ut med fire nr, og det blei som tidlegare lagt inn giro i haustutgåva. Gåveinngangen har vore god, og det kom inn kr 59.550,- i gåver til utgjeving av bladet. Mesteparten av arbeidet blir pr i dag gjort på dugnad, både med oppsett av bladet og med fordeling rundt i postkassane. Overskotet på kr 9574,- vert sett av på fond.

**Driftsrekneskapen er oppgjort i balanse.** I driftsbudsjettet til fellesrådet var det lagt inn kr 200.000 frå disposisjonsfondet som er teken inn i rekneskapen.

### **Investeringsrekneskapen er oppgjort i balanse.**

Det er gitt kr 750.000 i tilskot frå Gulen kommune. Mindreforbruket på kr 458.654 frå 2022 er teke inn, det var ubrukte midlar i samband med løyvinga til Borgstova. Resterande er dekkja med bruk av investeringsfond på kr 312.587,-.

Eivindvik 27.02.2024

Bodil Bjørlo Takle

Leiar GKR / GKF

Ingunn Sognnes

Kyrkjeverje